



Broj: 01/1-50-1-21/07  
Sarajevo: 19.09.2007. godine

**Z A P I S N I K**  
**sa 21. sjednice Ustavno-pravne komisije**

Sjednica je održana dana 19.09.2007.godine s početkom u 10:00 sati.

Sjednici su prisustvovali članovi Komisije: **Šefik Džaferović, Martin Raguž, Lazar Prodanović, Ekrem Ajanović, Halid Genjac, Velimir Jukić, Momčilo Novaković.**

Članovi Komisije **Drago Kalabić** i **Adem Huskić** su opravdali odsustvo.

Pored članova Komisije sjednici su prisustvovali: predstavnik, OSCE-a Ana Balić, Ministarstva civilnih poslova Biljana Čamur i Damir Dizdarević, Sekretar Predstavničkog doma Branka Todorović, Dženana Leper iz istraživačkog centra PSBiH.

Sjednici je prisustvao Igor Bajić, sekretar Komisije, stručni saradnik u Ustavno pravnoj komisiji Nedžad Salman i stručna saradnica zaposlena u Sekretarijatu PS BiH Ivana Šupeta.

Predsjedajući Komisije je predložio, a Komisija je jednoglasno usvojila sljedeći

**DNEVNI RED:**

1. Verifikovanje zapisnika sa 20. sjednice, održane dana, 30.08.2007. godine;
2. Prijedlog zakona o sportu u Bosni i Hercegovini predlagač Vijeće ministara BiH(**Postupak u nadležnoj komisiji, član 110. Poslovnika Doma**);
3. Prijedlog zakona o internoj reviziji u institucijama Bosne i Hercegovine, predlagač Vijeće ministara BiH, (**Usaglašenost sa Ustavom BiH, pravnim sistemom, član 103. Poslovnika Doma**);
4. Prijedlog zakona o izmjenama i dopunama Zakona o carinskoj tarifi, predlagač Vijeće ministara BiH (Komisija je primila Prijedlog Zakona dana 17.09.2007. godine, Zakon se nalazi u istovremenoj zakonodavnoj proceduri kao ranije primljeni Prijedlog zakona predlagača Komisije za vanjsku trgovinu i carine Doma o kome nije postignuto usaglašavanje u Kolegijumu, (**Usaglašenost sa Ustavom BiH i pravnim sistemom, član 103. Poslovnika Doma**);
5. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine, predlagač Vijeće ministara BiH, (**Postupak u nadležnoj komisiji, član 110. Poslovnika Doma**);
6. Ostala pitanja:
  - Zahtjev za autentičnim tumačenjem člana 3. stav (2) Zakona o jedinstvenom matičnom broju, ("Službeni glasnik BiH", broj: 32/01), podnosilac zahtjeva Federalno ministarstvo unutrašnjih poslova;
  - Zahtjev za autentičnim tumačenjem člana 48. Zakona o radu u institucijama BiH, ("Službeni glasnik BiH", broj: 26/04,7/05 i 48/05), podnosilac zahtjeva Spoljnotrgovinska komora BiH;
  - Zahtjev za autentičnim tumačenjem člana 3. stav (1) i člana 10. Zakona o finansiranju političkih partija, ("Službeni glasnik BiH", broj: 22/00), podnosilac zahtjeva Općinsko vijeće Općine Stari Grad Sarajevo;
  - Pristigli dopisi Ustavnopravnoj Komisiji.

**Ad. 1. Verifikovanje Zapisnika sa 20. sjednice održane dana 30.08.2007. godine;**

Komisija je jednoglasno verifikovala Zapisnik sa 20. sjednice održane dana 30.08.2007. godine.

**Ad. 2. Prijedlog zakona o sportu u Bosni i Hercegovini predlagač Vijeće ministara BiH (Postupak u nadležnoj komisiji, član 110. Poslovnika Doma);**

Predsjedavajući je konstatovao da je do sjednice komisije stiglo 35 amandmana od kojih je 16 amandmana poslanika Halida Genjca stiglo tek 18.09.2007.godine, zbog čega članovi Komisije nisu mogli zauzeti stav u pogledu njihovog sadržaja.

Predsjedavajući je otvorio raspravu u kojoj su učestvovali članovi Halid Genjac i Momčilo Novaković. Nakon rasprave jednoglasno je usvojen zaključak da se Prijedlog zakona razmatra na sljedećoj sjednici Komisije koja će biti održana 02.10.2007.godine. te da se poslanicima u međuvremenu dostavi transkript javne rasprave o Prijedlogu zakona o sportu.

**Ad. 3. Prijedlog zakona o internoj reviziji u institucijama Bosne i Hercegovine, predlagač Vijeće ministara BiH, (Usaglašenost sa Ustavom BiH, pravnim sistemom, član 103. Poslovnika Doma);**

Nije bilo rasprave o Prijedlogu zakona.

Komisija je jednoglasno utvrdila da:

- Postoji valjan ustavnopravni osnov za donošenje Zakona;
- Prijedlog zakona je usklađen sa Ustavom i pravnim sistemom;
- Prijedlog zakona se može uputiti u dalju zakonodavnu proceduru.

**Ad. 4. Prijedlog zakona o izmjenama i dopunama Zakona o carinskoj tarifi, predlagač Vijeće ministara BiH (Usaglašenost sa Ustavom BiH i pravnim sistemom, član 103. Poslovnika Doma);**

Nije bilo rasprave o Prijedlogu zakona.

Komisija je jednoglasno utvrdila da:

- Postoji valjan ustavnopravni osnov za donošenje Zakona;
- Prijedlog zakona je usklađen sa Ustavom i pravnim sistemom;
- Prijedlog zakona se može uputiti u dalju zakonodavnu proceduru.

**Ad. 5. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine, predlagač Vijeće ministara BiH, (Postupak u nadležnoj komisiji, član 110. Poslovnika Doma);**

Predsjedavajući je otvorio raspravu a zatim je predstavnik predlagača obrazložio Prijedlog zakona. Poslanik Lazar Prodanović je iznio primjedbu predstavniku predlagača da je neracionalno da se istovremeno u zakonodavnoj proceduri u veoma kratkom roku predlažu dvije različite izmjene postojećeg Zakona. S obzirom da rok za podnošenje amandmana ističe 21.09.2007.godine, predsjedavajući je predložio, a Komisija jednoglasno prihvatila, da se prihvati tekst Prijedloga zakona, a da o eventualno pristiglim amandmanima na izmjenu jednog člana postojećeg Zakona Komisija odluči do zasjedanja Doma.

**Ad. 6. Ostala pitanja**

- a) Zahtjev za autentičnim tumačenjem člana 3. stav (2) Zakona o jedinstvenom matičnom broju, ("Službeni glasnik BiH", broj: 32/01), podnosilac zahtjeva Federalno ministarstvo unutrašnjih poslova;  
Komisija je razmatrala navedeni zahtjev te nakon rasprave, u kojoj su učestvovali Predsjedavajući, poslanik Novaković te direktor CIPS-a Siniša Macan, odlučila da sačeka da se zakonodavna procedura izmjene i dopune postojećeg Zakona o jedinstvenom matičnom broju jer je Vijeće ministara utvrdilo Prijedlog zakona o izmjenama i dopunama ovog zakona kojim će precizno biti propisana nadležnost organa za izdavanje ličnih karata.
- b) Zahtjev za autentičnim tumačenjem člana 48. Zakona o radu u institucijama BiH, ("Službeni glasnik BiH", broj: 26/04, 7/05 i 48/05), podnosilac zahtjeva Spoljnotrgovinska komora BiH;

Komisija je razmatrala je zahtjev, te je jednoglasno utvrđeno, nakon obraćanja predstavnika Ministarstva civilnih poslova BiH, da je potrebno pozvati i predstavnike Ministarstva pravde jer je i ono uputilo zahtjev. Dakle, prihvaćen je zaključak da se na sljedeću sjednicu Komisije pozovu predstavnici Ministarstva pravde, po mogućnosti ministar ili zamjenik, jer je sam pojam, radni staž, sporan.

- c) Zahtjev za autentičnim tumačenjem člana 3. stav (1) i člana 10. Zakona o finansiranju političkih partija, ("Službeni glasnik BiH", broj: 22/00), podnosilac zahtjeva Općinsko vijeće Općine Stari Grad Sarajevo;

Komisija je razmatrala zahtjev i jednoglasno odlučila da podnosilac zahtjeva nije subjekt koji primjenjuje zakone i druge opće akte i koji u skladu sa članom 137. stav 2, Poslovnika može podnijeti Zahtjev.

- Dopis BHRT-a

Komisija je informisana o dopisu BHRT u vezi sa istekom mandata člana upravnog odbora Plamenka Čustovića. Nakon obrazloženja odredbi zakona o javnom servisu i Statuta BHRT jednoglasno je odlučeno:

Da se Kolegijumu uputi sljedeće obavještenje jer u skladu sa članom 41. Poslovnika Komisija nije nadležna da daje dogovore na upite koji se tiču primjene zakona, Imajući u vidu da se radi o imenovanju koje vrši Parlamentarna skupština BiH, informisati Kolegij radi eventualnog poduzimanja aktivnosti iz njihove nadležnosti.

Kako nije bilo više drugih pitanja, predsjedavajući Komisije je zaključio sjednicu u 11 sati i 55 minuta .

SEKRETAR KOMISIJE  
Igor Bajić

PREDSJEDAVAJUĆI KOMISIJE  
Šefik Džaferović